



www.bhtelecom.ba

Dioničko društvo BH Telecom Sarajevo
Franca Lehara 7, 71000 Sarajevo, BiH

U skladu sa članom 20a. st. (1) i (2) Zakona o radu („Službene novine Federacije BiH“, br. 26/16 i 89/18) i članom 4. Uredbe o postupku prijema u radni odnos u javnom sektoru u Federaciji BiH („Službene novine Federacije BiH“, broj: 13/19), a na osnovu člana 92. Statuta Dioničkog društva BH Telecom Sarajevo, br. 00.1-1.1-1881/16-9 i 00.1-1.1-27474/17-5, te u vezi sa tačkom II Odluke o objavljivanju javnog oglasa za prijem u radni odnos u Dioničkom društvu BH Telecom Sarajevo, broj: 03.2.2-46-47938-4/19 od 26.07.2019. godine, vršilac dužnosti generalnog direktora Dioničkog društva BH Telecom Sarajevo objavljuje

JAVNI OGLAS

Za prijem radnika u radni odnos na neodređeno vrijeme, uz probni rad u trajanju od 6 (šest) mjeseci na radnom mjestu 52. Specijalista, VSS – 1 (jedan) izvršilac u Službi za ERP sisteme, Sektora za poslovnu i IT podršku u Izvršnoj direkciji za informacione tehnologije Dioničkog društva BH Telecom Sarajevo, sa mjestom rada u Sarajevu.

Opis poslova i radnih zadataka:

1. Vodi i koordinira najsloženije IT projekte (razvojne i nabavne – integracijske),
2. Upravlja životnim ciklusom razvoja IT rješenja i učestvuje u dizajnu IT servisa iz domena službe,
3. Priprema i izrađuje detaljne specifikacije za IT rješenja iz domena službe,
4. Vršiti praćenje i kontinuirano izvještavanje o mogućim rizicima i problemima na projektima,
5. Koordinira projektne timove radi pripremanja izvještaja,
6. Vršiti prikupljanje podataka od vođa timova radi predlaganja odluka i akcija,
7. Vršiti pripremanje izvještaja o toku i statusu projekata,
8. Koordinira poslove razvoja novih i prilagodbe postojećih IT servisa,
9. Izrada specifikacija za razvoj i prilagodbu IT rješenja,
10. Učestvuje u izradi dizajna, razvoju i prilagodbi IT servisa,
11. Koordinira poslove testiranja,
12. Učestvuje u funkcionalnom testiranju,
13. Koordinira i učestvuje u izradi testnih scenarija i koordinira testiranje,
14. Koordinira tranziciju i implementaciju IT rješenja, pruža podršku Službi za podršku eksploataciji IT sistema,
15. Priprema prenos promjena u produkcijsko okruženje,
16. Učestvuje u rješavanju i rješava zahtjeve krajnjih korisnika na trećoj liniji podrške,
17. Priprema potrebne izvještaje,
18. Koordinira aktivnosti izrade dokumentacije razvoja IT u skladu sa QMS procedurama BH Telecoma.

I Opšti uslovi:

- da je kandidat državljanin Bosne i Hercegovine,
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je da u roku od 15 dana, od dana konačnosti Odluke o prijemu u radni odnos, dostaviti ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta).

II Posebni uslovi:

- VSS (VII stepen stručne spreme ili visoko obrazovanje prvog ili drugog ciklusa stečeno po Bolonjskom sistemu studiranja sa najmanje 240 ECTS bodova u istoj struci), završen Elektrotehnički fakultet smjer: informatika, telekomunikacije, automatika/elektronika, Ekonomski fakultet smjer informatika, Prirodno matematički fakultet smjer matematika/informatika, Fakultet informacionih tehnologija i ostali tehnički akreditovani fakulteti smjera informatika,
- radno iskustvo nakon sticanja potrebne stručne spreme na istim ili sličnim poslovima, u trajanju od najmanje 3 (tri) godine.

III Način prijave:

Kandidat je dužan dostaviti svojeručno potpisanu prijavu, koja sadrži adresu, kontakt telefon i kratku biografiju.

Uz prijavu se obavezno dostavlja:

- Diploma/diplome o sticanju tražene stručne spreme,
- Dodatak diplomama/diplomama,
- Izvod iz matične knjige rođenih,
- Uvjerenje o državljanstvu,
- Uvjerenje ili potvrda poslodavca o dužini radnog iskustva nakon sticanja potrebne stručne spreme na istim ili sličnim poslovima u trajanju od najmanje 3 (tri) godine koja treba da sadrži: osnovne podatke o kandidatu, naziv radnog mjesta, stručnu spremu, trajanje radnog odnosa i kratak opis poslova (radna knjižica i potvrda nedležnog PIO/MIO o ostvarenom radnom stažu ne prihvataju se kao relevantan dokaz o radnom iskustvu).



www.bhtelecom.ba

Dioničko društvo BH Telecom Sarajevo
Franca Lehara 7, 71000 Sarajevo, BiH

Napomene:

-Svi traženi dokumenti trebaju biti original ili ovjerene kopije.

-Ukoliko na obrascu Izvoda iz matične knjige rođenih nema naznake da je bez roka važenja, isti ne može biti stariji od 6 mjeseci.

-Uvjerjenje o državljanstvu ne može biti starije od 6 mjeseci.

-Kandidati koji su završili I ciklus studija u trajanju od 6 (šest) semestara po Bolonjskom sistemu studiranja i stekli 180 ECTS bodova, dužni su dostaviti diplome/dodatak diplomama sa I i II ciklusa studija u istoj struci.

-Kandidati koji su u toku trajanja I ciklusa studija po Bolonjskom sistemu studiranja stekli najmanje 240 ECTS bodova, nisu dužni dostaviti diplomu i dodatak diplomi i za II ciklus studija.

IV Javni oglas za podnošenje prijava ostaje otvoren 8 (osam) dana od dana objavljivanja u dnevnom listu.

Prijave sa dokazima o ispunjavanju uslova traženih oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

**Dioničko društvo BH Telecom Sarajevo
Sa naznakom "Prijava na javni oglas za radno mjesto 52. Specijalista – ne otvarati"
Ul. Franca Lehara broj 7
71000 Sarajevo**

Neuredne, nepotpune i neblagovremene prijave neće se uzeti u razmatranje.

Dokumenti priloženi uz prijavu vratit će se kandidatima u roku od 6 (šest) mjeseci od dana konačnosti Odluke o prijemu u radni odnos.

V.D. GENERALNI DIREKTOR

mr. Sedin Kahrman, dipl. ing. saob. i kom.